

Supervizor Scanlan: Rast privatnog sektora je od ključnog značaja za prosperitet u Brčko distriktu



Tokom svoje četvrte posjete Brčkom u protekla četiri mjeseca, supervizor za Brčko Michael Scanlan sastao se sa zvaničnicima Distrikta i prisustvovao prezentaciji koju su organizirali poslovna zajednica u Brčkom, čije je predstavnik BIMAL Group, organi vlasti Distrikta i Privredna komora Distrikta, o zamislima kako pretvoriti Brčko u sredinu pogodnu za poslovanje i ulaganje.

Supervizor Scanlan je na sastancima razgovarao o nedavnim naporima Brčko distrikta da poboljša zakonodavstvo, unaprijedi rad javnih službi, te promovira okruženje koje je otvoreno za poslovanje i ulaganje. Ključni element ovih napora, naglasio je supervizor, mora biti transparentnost procesa odlučivanja i jasna veza s nastojanjima da se promovira opće dobro za cijelu zajednicu.

„Ova posjeta potvrđuje moju kontinuiranu podršku poboljšanju kvaliteta života u Distriktu kroz razvoj infrastrukture, rast privatnog sektora, te transparentnu javnu upravu. Današnja prezentacija u Skupštini Distrikta, o načinima kako je moguće promovirati bolje poslovno okruženje, predstavlja dobar primjer javno-privatne suradnje s ciljem poboljšanja života cjelokupne zajednice. Jedinstvena pozicija Distrikta na

sjecištu više saobraćajnih arterija, skupa sa stabilnim budžetom, vlastima Distrikta omogućavaju poboljšanje života u Distriktu, kao i za stvaranje uslova kojim će se privući investitori i stvoriti radna mjesta u Brčko distriktu. Vrijeme je da se ovi jedinstveni faktori iskoriste za dobrobit svih građana i građanki Distrikta.

Obilaznica je značajan korak u tom pravcu, kao i aktuelni projekat modernizacije luke. Za izgradnju obilaznice je trebalo pet godina, ali bi luka trebala biti završena do kraja sljedeće godine. Ovaj potonji primjer bi trebao da nagovijesti da vlasti Distrikta pokazuju novu svijest o potrebi da se brzo djeluje, a to je nešto što je prijeko potrebno.

U tom smislu, želim pozdraviti odluku Skupštine da izdvoji sredstva za renoviranje mosta koji spaja Brčko i Gunju, a koji predstavlja važnu ulaznu tačku za one koji žele poslovati sa subjektima u Brčko distriktu. To je ono što birači trebaju dobiti od svojih zvaničnika, a ne česta trošenja budžetskih sredstava pomoću amandmana koji se prečesto ne odnose na inicijative koje za cilj imaju dobrobit zajednice.“